

Abonnement pour un an
300 piastres

Edition spéciale 500 piastres

Adresse :
Idjtihad Constantinople

Téléph-St, 865

XXème ANNÉE

1 Août 1925 — No 185

اجتهاد

فلسفی ، اجتماعی ، ادبی ، اقتصادی مجموعہ

آبونمان : سنہ لکی [۲۴ نسخہ]
تور کیا ایچون ۲ ، خارج ایچون
۳ ، اعلا کاغدلیسی ۵ لیرادر .
ادارہ خانہ سی

جغال اوغلندہ « اجتهاد ٹہوی »

تلفون : استانبول ۸۶۵

یکر منجی سنہ

نومرو ۱۸۵-۱ اغستوس ۱۹۲۵

التحاق صورتیه اولسون برلکده چالیشدیغم هیئت عسکریه ایله صورت مناسبه ده و بوایشده یارارلقلری کوریلن شومن دوفر مهندسی موسیوهافر و مفتش موسیو ملوویجک نشانله و ژاندارمه لک عطیه سنیه ایله تلطیفلرینی عرض و ولایتده بو وجهله انها ایتدم .

کرک مابیندن ، کرک ولایتدن تقدیر خدمتی متضمن بر جواب بیله آلامادیغم کیچی عرض ایتدیکم ذواتدن هیچ بریده تلطیف اولمادی .

بعده جریان ایدن مخابراتدن آکلاشلدیغنه کوره طوبی اخفا ایدلیکی اعتراف ایتدیردیکم یردن کتیرمه کیدرکن ماکینه سنی آلدیغمز ترله ادرنه دن کلن ولایت یاوروی ولایت و سرکه چی وادرنه پولیس قومیسرلری ضبطیه نظارتنه تلغرافلر چکدرک طوبی کندیلری بولدقلرینی ادعا ایتشلردر .

دده آغاجدن انفصالدن صوکرآ باش مابینچی حاجی علی پاشا بالناسبه دده آغاج وادرنه دن « طوبی بن بولدم . » دییه تلغراف چکنلرک عددی قیرقه قریب اولدیغنی سویله مش اولدیغندن « تقدیم ایتدیکم اوراق تحقیقه طوبک نه صورتله وکیمک طرفندن بولندیغنی دلائل مادیه ایله اثباته کافی اولقله برابر مجرملرده صورلسه کندیلرینی کیم توقیف وجرملرینی کیم اعتراف ایتدیردیکی سویلرلر . » دیشدم . بوطوب چالیناسی و نقلی سهل برجبل طوبی اولدیغنی معلوم اولمادیغنی ایچون بوسرقت اوروپا غزته لرینه بیله انتقال ایدرک تان غزته سی :

« تورکلرک تسالیاده قان دوکدرک اغتنام ایتدکلری طوبلردن برینی کندی مملکتلری داخلنده ، شومن دوفر واضوندن یونانیلره چالیرمالری تورکلرک لاقیدیلرینک و یونانیلرک وطن پرورلرکلرینک درجه سنه برمقیاسدر . » دییه یازمش و طوب بولندقدن صوکراده :

« شومن دوفر واغوندن سرقت ایدلیکی چکلرده یازدیغمز طوب ، تورکیده امثالی نادر بر موفقیت اولق اوزره دده آغاج متصرفی طرفندن بولنشدر » یولنده محسوس بر تأسفله اداره لسان ایتمش ایدی .

اوزمان فرانسز مطبوعاتی و خاصه تان و ماتن غزته لری شدتله علیهمزده ایدی .

ماتن تورک و یونان باش قومانداندرندن بحث ایتدکجه وحشی ادهم ! شانلی ولی عهد ! دیوردی ، متارکه عقد ایدلک اوزره بولندیغنی صیراده (تان) بر باش مقاله سنه : « تورک تقویملرند قاریجه کیچی قاینایان بایراملردن بری اولان قوربان بایرامی متارکینی دورت کون دها تاخیر ایتدی . » دییه باشلامشدی .

حال بوکه تورکلرک تعطیل اشغال ایدکلری بایرام بری اوچ ، دیکری دورت کوندن عبارت اولدیغندن فرانسزجه بر تقویم اوزرینه تورکلرک و یونانیلرک Fêtes chaumées لرینی یعنی تعطیل اشغال ایتدکلری بایرام و یورطی کونلرینی مائی وقیرمنی قورشون قلمله اشارت ایدرک تانه کوندرمشدم .

مذکور تقویمه کوره یونانیلرک بر سنه ظرفنده ۵۶ کونه بالغ اولان یورطیلرینک تصادف ایتدکلری آیلر بروجه آتیدر :

کانون ثانی ده ۷ ، شباط ده ۵ ، مارت ده ۹ ، نیسان ده ۷ ، مایس ده ۳ ، حزیران ده ۶ ، تموزده ۳ ، اغستوس ده ۳ ، ایلول ده ۳ ، تشرین اولده ۲ ، تشرین ثانی ده ۴ ، کانون اولده ۴ . ابوبکر حازم

فلسفی واضلری مدعظه

فاسده کی مجادله قارشیسنده

حر و مستقل بر تورکیا وطنداشی صفتمزله ، فاسده مستقل اولماق حق واشتیاقندن دوغمه مجادله نک بزم القا ایتدیکی حس و هیجانک ماهیت اخلاقیه سنی سرعتله اجمال ایده جکز . بونی یاپماي ، حر تورکیه جمهوریتک واسع و حر نظری بر زمرة بر کزیده سنی احتوا ایدن اجتهاد عالیه فکریه سی نامنده ، بر لازمه اخلاقیه کورویورز . مجاهده کار عبدالکریم هیچ بر حر و منور روحی لاقید هیجانسمز ، حسسز بر سیرجی بر اقاماز . بر آمریقایی غزته چییه سویله دیکی و بتون دنیا غزته لری طرفندن استیساخ ایدیلن سورلر عبد الکریم عصری بر پیشوا اولدیغنی کوسته - ریور : دیندن ، معنای معهودیه اعلان جهاددن بحث ایتیمور . آمریقایی بر غزته چییه ، « ریفلی کنتجار سزک

کورمکه دلخون اولیورز و بو حاله دلخون اولانلر، اونلرک ایچنده دخی، شهسز، بردن زیاده در .
یکرمنجی عصرک ربع اولنی یاشادق؛ اون طقوزنجی عصرک خمس آخرنده بولوندوق یکرمنجی عصرک صوکی، بیوک حادثه لر قید ایده جکدر . و بویوک حادثه لک بیوکلری اخلاق و معنویات ساحه سنده اولاجا قدر .
حقیقی مدنیت .. شمندوفر، تلسر تلغراف و امثالی فتوحات فیه نك چوق فوقنده اولان اخلاقیات و معنویات ساحه سنده در .

« Partout où l'on pleura mon âme a sa patrie »
« هر آغلانان یر روحک و طنیدر . »

دیه بیلن متفکر و یوکسک اولاد یتیشدیرمش و بتون جهانده استقلالک و هردورلو حریتک میل و اشتیاقنی طوتوشدورمش اولان بر ملتک ویا ملت لک صرف فلسفی و اخلاقی وادیده کی شو ملاحظه مزده خوش کورمه یه جکلری برشی یوقدر . تاریخ ک وعصرمزک کاتب عدلکینه و وجدان عمومی مدعی عمومیلکینه طاش یورکلکی و دمیر کوزلو انسانلر اولمادیغمزی و فضیلت و ایمان صحنه لری قارشیسینده هیجانسز، جامد مخلوقات اولمادیغمزی مثبت بروشقه تودیع ایتمش اولیورز . بو، هم ملی، هم انسانی بر سائقه روحیه و اخلاقیه در، که مطلقاً تثبیت و تسجیل اولونمالیدی . حریت ایله اسارت، رفاه ایله ضرورت هیچ بر زمان اوزون مدت یان یانه یاشایامامشدر . بناء علیه هرفردک و هر قومک حریت و رفاهی، عمومک حر و مرفه اولدینی زمان و آنجاق او زمان امنیت و استقرار اوزره اولور .

« ور درین ره بمن بسیست خطا
چه کم این خطا صواب منست »

ع . ج .

غستوس ۱۹۲۵ اجتهاد نهوی



کیی حرومستقل اولماق ایسته یورلر . سز دخی دورت سنه استقلال حربی پایدیکز . عدالت و استقلال عصرنده یز بو عصرک نعم معنویه و مادیه سندن متنعم اولماق بزمده حقمزدر « دیور . ریفلر بزه نه قادار اوزاق مسافه ده اولورلرسه اولسونلر و حتی دیگر بر کره سماویه اوزره رنده بولونسه لرده مادام که بزه ده عزیز و مقدس اولمش و اوغرنده چوق شیرمزی فدا ایتمش اولدیغمز برحق ایچون استقلال و حریت ایچون مجادله ده درلر، نجیب و حر تورک کنج لکنک روحی بوعلوی و مهیج صحنه نك قارشیسینده هیجانسز بر سیرجی حالنده قالاماز .

1898 سنه سنده هندستانده (بوقسور) لر انکلیزلرک « دوم دوم » قورشونلرینه قارشى مجادله ایدرکنده بو هیجانی طویمش و بو حس و هیجانی

تعرضات و تحکم قدیم طرزنده ،
بو عصرک آ کلایامام بن نه در فتوحاتی ؛
کورور بویاره لری ، شاعر بلند املک
آقار سرشک اولراق منبع سنوحاتی .

قطعه سنی ده احتوا ایدن بر منظومه ده باغیر مشدق . نجیب روح ملیمز هر علوی حادثه و حرکتک حضور انکشافنده هیجاندن اورپه ریر . و بواسطه د روحانی ، اونک حر اولمایه و حر اولمایه مستحق و مستعد اولدیغنک جلی و جلی بر برهانیدر . او بیلیر و بیلمه دیکی زمان حس ایدر، که « تک بر کیمسه یه یاپیلان برحق سزلق عموم ایچون بر تهدید تشکیل ایدر . » بزم بو وضعیت روحیه و روحانیه مزدن هیچ برفردک و هیچ بر قومک کوجه نه چکی و قوجاناجانی اولاماز . بو کون علم ، قطعی و صریح اولراق کوستر مشدر ، که اسارت اسیر اولانی ده اسیر ایدنه ده بوزار و ، هر ملتک حقیقی و مستمر استفاده سی ملی استقلال لک محترمیتنده در و اسیر ایتنه نك ، فنا معناسیله ، استثمار [Exploiter] ایتنه نك قوتلی یه یا خود قورنازه تأمین ایتدیکی کار ، موقت و زهر آلوددر . معظم بشریت عائله سی افرادی ، حر اولراق چالیشمالی و احتیاجلرینه کوره معمولات و محصولات و محصوللرینی بالرضا مبادله ایتنه لی درلر . بزمده بر زمان خواجه لرمن اولمش اولان یوکسک قوملرک دخی بعضاً بیوک ضلالتلره دوشدوکلرینی